

EMAHEBHERU,

SAHLUKO SESIBILI ³

Se 7, se 8, se 9, se 10 sahluko, kusukela lapho ekhatsi, o, hhe! Bani nepeniseli yakho neliphepha, nayo yonkhe intfo, ilungele, ngoba ngikholwa kutsi iNkhosi itosipha sikhatsi lesihle kakhulu. Manje si... .

²¹⁸ Pawula uphakamisa futsi ubeka, endzaweni lefanele, iNkhosi Jesu. Manje, uma sicedza loku kusihlwa, ngeliSontfo ekuseni... Lokukutsi lokunengi kakhulu kwaloku kutohlangana nciamashi neMlayeto wangeliSontfo ekuseni, ngoba kwe "hlukanisa lisabatha." Lowo ngumbuto lomkhulu emkhatsini wemaSabatha namuhla. Futsi ngitsandza kuminema nonkhe kutsi nitele yangeliSontfo ekuseni. Ngoba, ngukuphi lokungukonakona, nguMgcibelo noma liSontfo, ekukhonteni na? Litsini liBhayibheli ngako na? Futsi ngako-ke, noma ngabe i... LeNcwadzi lena yehlukanisa umtsetfo nemusa, futsi Ibeka ngakunye endzaweni yako. EmaHebheru lakhuliswa ngemtsetfo, naPawula bekabatjela kutsi umusa wawudlala yiphi indzima, ngemtsetfo.

²¹⁹ Manje, ake sitfole nje sendlalelo lesincane manje. Sitocala emuva.

²²⁰ Kepha, nginetibuko tekufundza. Mhlawumbe nginga... Uma kwenteka ngenta ku—kucitsa kusihlwa, nginato. Niyati konkhe ngi... Ngisilelw yiminyaka lemibili nje kutsi ngibe neminyaka lengemashumi lasihlanu budzala, futsi angisaboni njengoba ngangivamise kubona, edvute nami. Uma kubona kwami... Ngicala kucaphelisia emagama afitsitela, ngangicabanga kutsi ngangitovaleka emehlo. Ngaya kuyohlolwa. Dokotela watsi, "Cha. Usandza kwendlula iminyaka lengemashumi lamane nje, ndvodzana." Yebo-ke, watsi, uma ngite ngibe-mdzala ngalokwenele, kungahle kubuye futsi, ngibuyelwe nguloko kubonela edvute futsi. Watsi, "Manje, sewungalifundza liBhayibheli lakho uma ulifuca likhweshe kuwe?"

²²¹ Ngatsi, "Yebo."

²²² Watsi, "Emva kwesikhashana, umkhono wakho awunakuba mudze ngalokwenele."

²²³ Futsi ngako ngi—ngiyetsema manje, kulokudadisha loku, lengi... LeliBhayibheli lelincane iCollins linemagama lanetinhlavu letikahle kulo. Ngibona kahle impela. Kodvwa uma siwelela ngale kuletinkhulu, tindzawo letijulile lapho sifanele sitsatse khona liThe testamenti leLisha naleLidzala, futsi

siwahlanganise ndzawonye ncwe. NgineScofield lesincane. Futsi ngilejwayele liBhayibheli Scofield, kumakwa kwalo. Angiwafundzi emanotsi eScofield manje, ngoba angivumelani naScofield kulokunengi kwetichasiselo takhe—takhe. Kodvwa ngi—ngiyayitsandza indlela lokuhleleke ngayo, ngoba yi... Sekusikhatsi lesidze nginalo, futsi ngilifundza, futsi kakhulu impela, sengize ngati kutsi ngiyitfola kanjani indzaba yami.

²²⁴ Konkhe loku kusha kimi, kwekfundzisa, futsi angisuye thishela kakhulu kangako. Kodvwa, bani nami sikhashanyana, ngitokutjela liCiniso ngeKulati kwami, empeleni.

²²⁵ Manje, leNcwadzi nguPawula, khumbulani, beka... Simtfole kanjani na? Bekanguthishela lomkhulu, kwekucala nje, noma sifundziswa lesikhulu. Futsi bekaceceshwe eThestamentini leLidzala. Ukhona yini longangitjela manje kutsi sitfole kutsi thishela wakhe bekangubani? [Libandla litsi, “Gamaliyeli.”—Umhl.] Gamaliyeli, lomunye wabothishela lebebadvume kakhulu belusuku. Wase-ke Pawula, siyatfola, ngalelinye lilanga...

²²⁶ Angakabitwa ngekutsi ngu*Pawula*, ukhona longangitjela kutsi bekangubani ligama lakhe na? [Libandla litsi, “Sawula.”—Umhl.] Sawula. Futsi bekasati siphatsi-mandla eJerusalema, sikhulu setenkholo. Futsi wenyuka njengendvodza le—lececeshwe sibili, lekholvako. Bekakhona kukhulumta tilwimi letine noma letisihlanu letehlukene, nendvodza lekhaliphe mbamba. Yebo-ke, ngabe imfundvo yakhe nekukhalipha lokukhulu kwakhe kwamsita na? Cha. Watsi wadzingeka akukhohlwe konkhe lebekakwati, kute afundze Khristu.

²²⁷ Ngako siyatfola, ke, kutsi akubiti indvodza lekhaliphile noma indvodza lefundzile. Akubiti i—indvodza levumako kutifoba phambi kwaNkulunkulu, kungakhatsaleki kutsi kanjani.

²²⁸ Benati yini kutsi Dwight Moody be—bekangakafundzi kakhulu ngangoba, liciniso, imibhalo yakhe yayimibi kakhulu njengekutsi angati kutsi yini. Bebate bayilungise imilayeto yakhe, sonkhe sikhatsi. Be—bekangumbhali longakwati kahle, angakafundzi sibili.

²²⁹ Benati yini kutsi Phetro naJohane, baseBhayibhelini, bebangakafundzi kakhulu ngangekutsi bebangakwati ngisho nekubhala ligama labo lucobo, futsi bebangakwati ngisho libekwe embi kwabo na? UmPhostoli Phetro, lobekanetikhiya kuwo uMbuso, bekangalati ligama lakhe lisayinwe phambi kwakhe. Kucabange nje. LiBhayibheli lasho, kutsi, “Bekangati lutfo futsi angakafundzi.” Ngako, loko kunginika litfuba. Ameni. Yebo, mnumzane. Loko kuhamba kwehle ngco, kutfola kutsi Nkulunkulu bekangenta loko kumunfu.

²³⁰ Manje, futsi siyatfola, kwatsi nje Pawula angaba nesentakalo lesikhulu... Ngifuna kunibuta. Ngabe kusentakalo yini kuta kuKhristu na? Ngabe wonkhe umunntfu unesentakalo na? [Libandla litsi, “Yebo.”—Umhl.] Yebo, mnumzane. Yebo, mnumzane. KuTalwa. Sentakalo. Futsi ngako sasiseKolishi yemaLuthela, kungesiko kadzeni...

²³¹ Ngibe nenhlanhla kulentsambama, kwephutekile, bengifanele kutsi ngibe lapho ngensimbi yelishumi nakubili nco, ngibe nelidina na—naTom Haire. Bangakhi labake beva ngaye, lodvumile, um-Irishi, lichawe lemkhuleko na? Futsi bekasolo analoMnaketfu Epp, eluhlelwemi Iwakhe, futsi ubonakele lapha etindzaweni letinengi eMerica. Futsi ngibe nelidina naye namuhla. Futsi besi...Bengephutile nje cishe ngemawa lamatsatfu. Bekuyimizuzu cishe lengemashumi lamatsatfu igabence yesitsatfu, imizuzu lelishumi nesihlanu ingakashayi yesine, ngesikhatsi sidla. Kodvwa bekukahle. Futsi besicoca ngaletintfo leti, kutsi kukanjani Jesu Khristu yiNhloko yato tonkhe tintfo.

²³² Manje, ngesikhatsi Pawula akutfola loku, waba nalesentakalo. Bese-ke ngaphambi kwekutsi emukele lesentakalo, sifanele sibuye eBhayibhelini. Futsi sitfola kutsi wa—kutsi wesuka futsi wayongena kulesinye sive, futsi lapho wahlala iminyaka lemitsatfu, ahcola umBhalo, kubona kutsi ngabe sentakalo sakhe sasicinisile yini.

²³³ Manje, siyacondza kutsi bekanentfo lenkhulu lebekafanele abhekane nayo. Bekafanele abuye bese utjela libandla lakhe, bonkhe bantfu, tona kanye letintfo lebekatihluphile belicinisile.

²³⁴ Ngabe wawufanele wente intfo lenjengaleyo na? Impela, cishe bonkhe bakwenta, bebafanle babuye emuva batsi, “Labobantfu lesasibabita ngekutsi ‘bagiciki labangcwele,’ sasesitfola kutsi, bebacinisile.” Niyabona na? Nguloko-ke. Sate sajika nje. Naletintfo lesake satitondza, manje sesiyatitsandza. Kukuphendvuka, intfo lengakejwayeleki, leyincaba.

²³⁵ Manje, ngente lesositatimende, se “mgiciki longcwele.” Ayikho intfo lenjalo. Ayikho intfo lenjalo. Kodvwa, babita bantfu ngaloko, bantfu bebungcwele. Kodvwa abekho bagiciki labangcwele. Ayikho intfo lenjalo. Akukho lokubhalwe phansi kwanoma nguliphi libandla lelake labhalwa phansi kanjalo, ngekubona kwami, kwangemakhulu layimfica nemashumi lasitfupa nalokutsite, emahlelo lehlukene. Akukho hlelo lelitsiwa ngumgiciki longcwele. Li—ligama nje develi lalichaneke eBandleni.

²³⁶ Kodvwa bayababita, ngalolosuku...Bangakhi lowatiko kutsi bebababita ngekutsini ngelusuku lwaPawula? Labakholwa kukholwa-lokuphambene nalokujwayelekile. Niyati kutsi kusho kutsini kutsi lokholwa *kukholwa-lokuphambene nalokujwayelekile* na? “Lohlanyako.” Bantfu labahlanyako.

Ngako, masinyane nje ngibitwa nge “mgiciki longcwele” njengalokholwa “kukholwa lokuphambene nalokujwayelekile.” Bewungeke wena na? Ngako uma ba—uma bebabitwa ngaloko, futsi bajabula!

Futsi watsi asenteni Jesu ngako na? Watsi, “Jabulani, futsi nijabule kakhulu; ngoba umvuzo wenu mkhulu eZulwini, ngoba babahlupha kanjalo baprofethi labanendvulelako.” Bakwenta.

²³⁷ Watsi, “Nijabule kakhulu.” Noma yini *lekakhulu* i “phakanyiselwe le etulu,” ujabule impela. Nebafundzi, ngesikhatsi batfolakala bafanele kwetfwala lihlazo leliGama laJesu, batfokota ngekutfokota lokukhulu kutsi betfwale lihlazo leliGama laKhe.

²³⁸ Futsi namuhla, bantfu labanengi namuhla, uma bekungenteka bababite ngemgiciki longewe, bebatodzangala, “Hhe! Mhlawumbe bengineliphutsa, kwekucala nje.”

Kodvwa bebabajabulile ngako, “O, hhe, kwetfwala liGama!”

²³⁹ Futsi manje, ekhulwini lesibili leminyaka, bebababita nge “*mihlane-lenetiphambano*.” Loko kungesikhatsi emaKhristu bekavame kutfwala siphambano emhlane wawo, kukhombisa kutsi bekabetselwe naKhristu. Bebewabita nge *mihlane-lenetiphambano*. Manje ngiyati iKhatolika atibita ngaloko, kodvwa lelo kwakungesilo libandla laseKhatolika. Kwakulibandla lemaPhrothestane lingakabitwa ngelibandla lemaPhrothestane. Lalingabhikisheli lokunye ngaphandle kwesono. Sizatfu libitwa ngelibandla lemaPhrothestane namuhla kungoba labhikishela umbhedesho wase—waseKhatolika. Kodvwa yi...Lona, lisasolo, lalingesilo lihlelo lenkholo ngalesosikhatsi, ngesikhatsi abitwa nge *mihlane-lonesiphambano*.

²⁴⁰ Tfola umlandvo waJosephus nje nalabanye babbali, neyaHislop letsii *EmaBhabiloni Lamabili*, nakanjalonjalo, futsi utottfola kutsi loko kunjalo, kutsi bebangesilo libandla. Libandla lekucala leliheliwe, lelake labakhona, kwakulibandla laseKhatolika, cishe iminyaka lengemakhulu lamatsatfu, emjikeletweni we—webaphostoli bekugcina. Cishe iminyaka lengemakhulu lamatsatfu kamuva, libandla laseKhatolika lahlelwa. Nekuhlushwa kwangena, futsi kwaphocelela bantfu kutsi bangene ebandleni laseKhatolika, futsi bebanelibandla nembuso, kuhlangene.

²⁴¹ Loko kwakukamuva, lokwakubitwa kanjalo, kuphendvuka kwaConstantine, esuka ebuhedenini waya ebuKhatolikeni. Kodvwa, uma nomangubani ake awufundza umlandvo wakhe, bekangakaphendvuki, letintfo latenta. O, hhe! Intfo kuphela lake wayenta leyinkholo kwaba kubeka siphambano ebandleni laSophia loNgewe. Nguleyontfo kuphela lake wayenta, watiphatsa ngisho nangenkholo. Beka—bekangumuntfu lonelunya. Kodvwa bakubita ngekuphendvuka kwakhe—

kwakhe. Kucatsaniseka nje nalokunye lokubitwa kanjalo ngekuphendvuka namuhla.

²⁴² Manje, kodvwa, siyatfola, ngesikhatsi Pawula aphendvuka futsi waba naso lesentakalo sibili, wajikiswa ngekwelucobo.

Futsi, niyati, *kuphendvuka* kusho ku “jikiswa.” Uya *ngalapha*, bese uyajika futsi ucala kuya emuva *ngalapha*. Yebo, mnumzane. Kukujika, ngebuso.

²⁴³ NaPawula, watsi nje angaphendvuka, ngaphambi kwekutsi ake ente sentakalo sakhe... Manje, bekanesentakalo lesimangalisako.

Manje, ngiyakholwa, uma wemukela Khristu, njengeMsindzisi wakho locondzene nawe nje, kusentakalo. Ngiyakholwa, injabulo yekwati kutsi sono sakho sitsetselelwe, kuyayijabulisa nje *inhliityo yakho*, *ngalapha* nangalapha.

²⁴⁴ Kodvwa-ke uma uMoya loyiNgewe lobusisiwe eta ehla, leso sentakalo, loko kuTalwa lokusha, longayuze ukukhohlwe. Uba nguMntfwana waNkulunkulu. Futsi naku lokukwentako.

“Ukwati kanjani, Mnaketfu Branham na?”

²⁴⁵ Manje, leti tifundvo tekufundzisa. Bantfu labanengi, emaMethodisti, etama kutsi atsi, “Amemeta ngesikhatsi aWutfola.” Yebo-ke, loko kulungile. Uma unaWo, futsi wamemeta, kulungile. Ngoba wamemeta, loko kwakungesiso sibonakaliso sekutsi wawunaWo, ngoba incumbi yamemeta futsi beyingenaWo.

²⁴⁶ EmaPhentekhostali atsi, “Akhulumu ngetilimi. AWutfola.” Loko kulungile. Uma nakhulumu ngetilimi, futsi naWutfola, kulungile. Kodvwa bewungakhulumu ngetilimi futsi ube usolo ungenaWo. Ngako ke?

²⁴⁷ Ngako, niyabona, empeleni, sentakalo sekwendlula ekufeni ungene ekuPhileni; lapho tonkhe letintfo letindzala tifa, nato tonkhe tintfo tiba tinsha. Khristu uba ngulophatsekako. Tintfo letindzala tiyahhohloka, timphandze letindzala tenyama. Niyati kutsi imbiwa kanjani imphandze na? Sasivame kutsatsa likhuba lemikhono lekumba bese nje sifika phansi kuyo, futsi siyimbe kute kungasala nalencanyana kuyo. Futsi batsi, “Uma kuba khona nomanguyiphi imphandze yebulukhuni levumbuka kuwe, yisiphule.” Kunjalo. Futsi nguloko uMoya loyiNgewe lokwentako, usiphula tonkhe timphandze. Utimbe utikhiphe. Uyibutsanise; utishise. Uticedze. Bese utitfolela silimo lesihle, uma senta loko.

²⁴⁸ Manje, Pawula wati kutsi kukhona lokwakwentekile, ngako wabuyela emuva e-Arabiya, futsi lapho udadisha iminyaka lemitsatfu ngabo bonkhe baprofethi beliTheStamenti eLidzala, kutsi baprofetha kanjani. Futsi wase uyatfola kutsi LaliliCiniso lucobo.

²⁴⁹ Manje, catsanisa loko nanamuhla, niyabona, kulesentakalo lesikesaba naso lapha kulelibandla lelincane: seNkhanyeti yeKusa ichamuka ngaleya, loko kuKhanya lokukhulu lokwehla, lobekukhona kusho kungakenteki futsi kukhombise tintfo letitokwenteka. Niyati, loko kuhle kakhulu. Kodvwa umnaketfu loshumayelako wangitjela kutsi, “Kwakukwadeveli.” Futsi angi—angikhonanga kukucondza.

²⁵⁰ Ngako, angishongo lutfo ngako kwate kwaba ngalobunye busuku, kwaba nesentakalo lesenteka enhla ngaleya eSigayweni saGreen, e-Indiana, ngesikhatsi iNgelosi yeNkhosi ihamba yendlula phansi yase ima lapho, futsi yakufakazela ngemBhalo. Kwase kokheleka umlilo. Kwase kucala kuhamba.

²⁵¹ Futsi kungesiko kadze kwendlula leliSontfo leliphelile, sibone timphawu lettingaphosisi taJesu Khristu, Longatsatsa umuntfu lobekangakaze ahambe, futsi angazange... Imizwa yakhe yekusima ingasekho, ngesikhatsi bakaMayo nabodokotela labendlula bonkhe batsi, “Sekuphelile, kute kube phakadze.” Futsi ahleti aphumphutsekile; wasukuma wase uphuma esakhiweni, afuca situlo sakhe semasondvo ehla ngetitebhisi, asakhona kuhamba futsi abona njenganoma ngumuphi lomunye umuntfu. Loko kukhombisa kutsi ngemandla eNkhosi Jesu levukile. Nako ke. Unguye itolo, namuhla, naphakadze.

²⁵² Ngako asisilo yini licembu lelijabulile kusihlwa na, kwati kutsi Nkulunkulu ucinisekise lesentakalo lesikhulu lesinaso, kutsi sicatsaniswe neliBhayibheli laKhe nanetetsembiso na? Ngako-ke sifanele sijabule kakhulu. Futsi siyacondza-ke, kutsi esahlukweni 2, siyatfola kutsi, “Asikafaneli sivumele letintfo leti... Asikafaneli sidzebesele letintfo leti.” Sifanele sitibambisise letotintfo.

*Futsi sitophunyuka kanjani, uma sidzebesela
lensindziso lenkhulu kangaka;...*

²⁵³ Sitokwentanjani, mayelana neLivi laNkulunkulu, uma sesima eNkantolo yekweHluelwa na? Ungeke utsi, “Ngangingati lokwehlukile.” O, yebo, wawukwati. “Yebo-ke, manje, uMnaketfu Branham kungenteka kutsi bekaneliphutsa.” Liciniso lelo. Kodvwa Nkulunkulu akanalo liphutsa. Livi laKhe alinaphutsa. Futsi cabangani nje, ngentfo lefanako, liBhayibheli, lelake laphila kubaphostoli, asaphila futsi. O, alibusiswe liGama leNkhosi!

²⁵⁴ Uma ngicabanga kutsi ngineminyaka lengemashumi lamane nesiphohlongo budzala, ngisondzela emashumini lasihlanu, netinsuku tebusha bami setiphelile, nakanjalonjalo; kwati kutsi kusukela ngisengumfanyana kutsi ngaba naleSetsembiso lesi lesibusisiwe, futsi ngiSimeMetete kubanaketfu nabodzadze; nekubona tinkhulungwane sibili talabo lophuma ebumnyameni, kwati kutsi siya eKhaya letfu laPhakadze, kulelibusisiwe. “Futsi uma lelidvokodvo lasemhlabeni lidzilitwa,” ngingakacedzi

kushumayela, “likhona lelilindze ngaleya letfu.” Haleluya! Kwati kutsi kunemadazini ebantfu labahleti lapha, kutsi, uma bebangashiya lokuphila loku khona manje; ngaphambi kwekutsi sikhone siyise umtimba wabo kumngewabi, bayoba kulowomtimba lonenkhatimulo ngaleya, batfokota nalabangewe baNkulunkulu, lesebavele baseBukhoneni baNkulunkulu, kuhlala ingunaphakadze. Nalokuphelele, kuciniseka lucobo kutsi kunjalo! Ameni.

²⁵⁵ O, loko bekungenta iPresbyterian imemete! Ngabe kwenteka ngeliSontfo, akwentekanga yini? [Libandla litsi, “Ameni.”—Umhl.] Labobantfu bebayiPresbyterian. Impela bebangaba ngiyo, kucabanga. O, akumangalisi bantfu bavukwa lusinga! Leni, uma usukwa lusinga ekushayeni ibhola noma uphonsa yinye kubhaskidi, kuyokwenta uvukwe lusinga kakhulu kangakanani ke kwati kutsi wendlulile ekufeni wangena ekuPhileni, kutsi usiDalwa lesisha kuKhristu! Ukwati ngendlela umoya wakho lokuhola ngayo ukudedise ekuhloseni lokubi, ebucilini, nasebutseni, nato tonkhe letinfo telive. Nenhlitiyo yakho ibekwe yabasekhatsi kuKhristu. Loko tinjongo takho. Nguloko kuphela locabanga ngako engcondvweni yakho, enhlitiyeweni yakho, yonkhe imini nebusuku. Uma uyolala embhedzeni ebusuku, bese ubeka tandla takho esiphundvu, kanjena, bese nje ucambalala lapho futsi uMdvumise ute ulale. Uvuke, ekuseni, usasolo uMdvumisa. Ameni. O, hhe!

²⁵⁶ Ngitamile kuMdvumisa. Njalo ekuseni, besivuka cishe ngensimbi yesine, uMnaketfu Wood nami, siphume kusentsatsakusa nakusa, kutsi siyotingela tikwireli. NgiMdvumisa ngaphansi kwato tonkhe tihlahla, ngiyakholwa, lengifike kuto. Angisiboni sihlahla, ngingaMdvumisi. Cabanga, Wamilisa lesosihlahla. Ngibone intsetse lendzadlana indiza; Uyayati leyontsetse. “O,” wena utsi, “ngumbhedvo, Mnaketfu Bill.” O, cha, akusiwo. Uyati kutsi tikuphi tonkhe tikwireli. Uyati kutsi tikuphi tonkhe timvivane.

²⁵⁷ Leni, ngalesinye sikhatsi, Bekadzinga imali, wase Utsi, “Petro, kunehlanti, esikhashaneni lesendlulile, igwinye luhlavu lwemali, leyenele nje, kakhulu njengoba siyidzinga. Hamba uphonsa lihhuka ekhatsi. Ngitoitfumela laphaya. Ukhipe lolohlavu lwemali emlonyeni wayo, ngoba ayikwati kuyisebentisa, ngekwayo. Hamba umbhadale kweshumi kwetfu nekutsela.” Ameni.

²⁵⁸ Futsi emavikini lambalwa lendlulile, ngibone inhlanti lencane ibulewe, ilele emantini. Nonkhe nayiva indzaba yayo. Nango uMnaketfu Wood, nemnakabo nabo lapha kutsi bakufakaze. Leyonhlanti lencane ilele ifile ihhafu yeliawa, emantini, nematfumbu ayo advonseleke ngephandle emlonyeni wayo. NaMoya loyiNgcwele lomkhulu watseleka phansi, emvakwekuba Ashito, ngayitolo, “Utobona kuvuka kwesilwane lesincane.” Futsi ngekusa lokulandzelako cishe,

kancane emvakwekuphuma kwelilanga, sakubona loko lokusanhlantana, kungekho kudze *kangako*. Ngesikhatsi uMoya weNkhosi wehla, futsi watsi, “Nhlanti lencane, Jesu Khristu uyakuphilisa.” Naleyonhlanti lefile, yayikadze intanta etikwemanti impela ihhafu yeli-awa, yaphila yase iyesuka iyahlamba nje ngalelikhulu litubane. O, alibusiswe liGama leNkhosi. Imangalisa kakhulu kanjani Yona!

²⁵⁹ Akumangalisi Pawula akhona kutsi ashо, kutsi, “Bekangekuma kwaMelkhisedeki.” BekanguMelkhisedeki. “Melkhisedeki bekete kucala kwetinsuku. Bekete kuphela kweminyaka. Bekete kucala kwekuphila noma kuphela ekuphileni. Bekangenayise angenanina.” Ngako, Bekangeke aba ngulomunye. Noma Bekangubani, Usaphila nakusihlwa. Ngako, luhlobo lunye lwekuPhila lokuPhakadze, naloko waNkulunkulu.

²⁶⁰ Itolo kusihlwa ngesikhatsi sinengcogco, lomunye umnaketfu bekangamcondzi ticu-tintsatfu waNkulunkulu, nekutsi sasikhuluma kanjani ngako. Kutsi Jesu wema kanjani lapho, iNdvodza letsі ayibe neminyaka lengemashumi lamatsatfu budzala. Futsi Watsi . . .

Batsi, “O, bobabe betfu badla imana ehlane.”

²⁶¹ Watsi, “Futsi bona, bonkhe, bafile.” Kodvwa Watsi, “NgingulesoSinkhwa sekuPhila lesivela kuNkulunkulu siphuma eZulwini, umuntfu lasidla futsi angafi.”

²⁶² “O,” batsi, “bobabe betfu banatsa eDvwallen ehlane.”

²⁶³ Watsi, “NginguLeloDwala.” UMuntfu weminyaka lengemashumi lamatsatfu budzala. Watsi, “Abrahama watfokotela kubona lusuku lwaMi.”

²⁶⁴ “Leni,” watsi, “manje Ucondze kungitjela kutsi Wena umdzala njenga-Abrahama, futsi Awukabi ngisho naneminyaka lengemashumi lasihlanu budzala, futsi ucondze kusho kutsi Ubone Abrahama losaneminyaka lengemakhulu lasiphohlongo afa? Siyati kutsi Unelidimoni manje. Uyahlanya.” Nguloko lo . . . Kusho loko kutsi *lidimoni*, “umuntfu lohlanyako.” Batsi, “Unelidimoni, futsi Uyahlanya.”

²⁶⁵ Watsi, “Angakabikhona Abrahama, NGIKHONA.”

²⁶⁶ BekanguLoyo ke. Bekangesuye umuntfu nje, kanjalo futsi Bekangesuye umprofethi. BekanguNkulunkulu, Nkulunkulu ahleti emhlabeni emtimbeni wenyama lobitwa nga “Jesu,” i—iNdvodzana yaNkulunkulu lengeniwe. Nguloko ngempela Bekangiko.

²⁶⁷ Manje, siyaMtfolo ngalapha, kutsi encenyeni yekugcina manje, yekuvalwa kwesahluko se 2, lelengifuna kufika kuyo, ngicala ngelivesi le 16, noma livesi le 15.

Futsi wabakhulula...labo labatsi ngekwesaba kufa—kufa ekuhambeni kwabo konkhe bebaboshelwe ebugcilini.

Nguloko latsi Jesu wakwenta, kutsi Ufikela kubakhulula ebugcileni, lebebakadze basekwesabeni kufa imphilo yabo yonkhe.

²⁶⁸ Manje asikho sidzingo sekwesaba kufa. Manje, kusobala, siyakwesaba; tsine, akukho namunye wetfu lokufunako, sikubita ngekutsi, *kufa*. Kodvwa niyati yini kutsi uma umuntfu atelwe kabusha angeke afe? [Libandla litsi, “Ameni.”—Umhl.] Angaba kanjani nekuPhila lokuphakadze bese uyafa futsi? Angeke awkente. Intfo kuphela kufa lokungiyi, leligama lelitsi *kufa*, lisho “kwehlukana.” Manje utokwehlukana nebukhona beliso letfu. Kodvwa uhlala njalo aseBukhoneni baNkulunkulu, futsi uyobakhona njalonjalo. Ngako, kufa akusiyo intfo lelukhuni. Kufa kuyintfo leyinkhatimulo. Kufa ngiko lokusitsatsa kusifake eBukhoneni baNkulunkulu.

²⁶⁹ Kodvwa manje, kusobala, tsine, ngekuba ngumuntfu, sihamba kuletincenyе letimnyama lapha, a—asikucondzi njengoba sifanele. Futsi, kusobala, uma kufika iminjunju leklinyanako yekufa, yenta kona kanye nje lokungewe kunako konkhe kwetfu kwesabe futsi sihlehle. Kwenta iNdvodzana yaNkulunkulu itsi, “Lesitja lesi singendluliswa yini?” Kuyintfo leyesabekako. Ungakutsatsi kabi. Ngoba si...Kuyinhlawulo yesono, kufa kungiyo, futsi kufanele kwesabeke.

Kodvwa uma nje singabuka ngale kwalelikhethini, ngaley, ngulapho la kukhona. Ayibusiswe iNkhosi! Ngale nje kwelikhethini, ngulapho la umuntfu afisa kubuka khona kusihlw. Anna Mae Snelling lomncane nabo bebabame kuhlabela liculo lapha, “Nkhosi, AngiBuke Ngendlule LiKhethini leSikhatsi.” Wonkhe umuntfu ufuna kubona loko.

²⁷⁰ Manje, manje naku lapho sikhona, evesini le 16. “Ngoba impela Watsatsa...”

Ngoba impela akakutsatsanga kuye, etikwemvelo yetingelosi; kodvwa watsatsa kuye imvelo yentalo ya-Abrahama.

²⁷¹ O, sifuna kubambelela kuloko futsi manje. Manje sehlela ngco kutsi sitfole i...Sizatfu, incenye yekucala yalesahluko se 3, incenye yaso yekugcina, ihlangana khaca ngekutsi “lolosuku lwelisabatha,” kwaleliSontfo lelitako.

²⁷² Manje bukisisani.

...akatsatsanga...imvelo yetingelosi;...

Manje, ngubani lona “Yena,” lakhuluma ngaye na? Khristu. Ngubani Khristu? Nkulunkulu, iLogosi yaNkulunkulu.

²⁷³ Manje ake ngikuchaze loku futsi, kuze niciroseke. Nkulunkulu akasuye boNkulunkulu labatsatfu. Ticu-

tintsatfu waNkulunkulu Munye. UYise, iNdvodzana, Moya loNgcwele, akusho kutsi kukhona boNkulunkulu labehlukene labatsatfu. Uma kunjalo, besingaba lihedeni. Kungalesosizatfu emaJuda angakhoni kukucondza. Kwakungakaze kufundziswe eBhayibhelini. Manje, kufundziswa ebandleni laseKhatolika, impela, uvela lapho-ke umbhabhatiso wamtsatfu-amunye.

²⁷⁴ E-Afrika bakubhabhatisa katsatfu buso bubheke phambili: kanye kuNkulunkulu uYise; kanye kuNkulunkulu iNdvodzana; kanye kuNkulunkulu uMoya loNgcwele. Manje, loko liphutsa. Atikho timfundziso letinjalo taloko eBhayibhelini. Niyabona na?

²⁷⁵ Futsi manje, loko yi-loko nguloko labakufundzisa. Kwehla njalo ngaLuther; kuphuma kuLuther, kungene kuWesley; kuchubeke kwehlele eminyakeni lapho kuchubeka njalo. Kodvwa kwakungakaze kube yimfundziso yeliBhayibhelini. Kwakuhlala njalo kuliphutsa, kusukela kwacalwa.

²⁷⁶ Manje, ngako, Nkulunkulu bekasekucaleni. Ngaphambi kwekutsi kubekhona kwasakukhanya, ngaphambi kwekutsi kubekhona kwasa-athomu, ngaphambi kwekutsi kubekhona kwasankhanyeti, ngaphambi kwekutsi kubekhona kwasantfo lebonakalako, Nkulunkulu wagcwalisa yonkhe indzawo. Futsi kuLoko kwakungesilutfo ngaphandle kwebumsulwa: lutsandvo lolumsulwa, bungcwele lobumsulwa, kulunga lokumsulwa. KwakunguMoya. Wase usibekela yonkhe indzawo konkhe kusukela eliPhakadzeni, lapho singeke sakhono kuKucondza. Kuhamba kwendlulele ngaleya kwanoma yini lebesingayicabanga.

²⁷⁷ Njengakuleyongilazi, sasingabona i-indzawo lelibanga lekukhanya leliyiminyaka letigidzi letilikhulu nentfo. Kucabangeni nje. Indzawo lelibanga lekukhanya leliyiminyaka letigidzi letilikhulu. Nekukhanya-kukhanya kuhamba cishe emamayela latinkhulungwane letisiphohlongo ngemzuzwana. Nendzawo lelibanga lekukhanya leliyiminyaka letigidzi letilikhulu...Cabangani nje kutsi bekungaba ngemamayela latigidzi lettingakhi. Bewungeke ngisho ukubale. Ungatsatsa nje luhla lwetimfica futsi utigijimise titungelete iJeffersonville, futsi usaloku ungeke wakuhiatiya kube ngemamayela emamayela. Kucabangeni nje. Futsi ngaleya kwaloko kusenetinkhanyeti nema-planethi. Futsi Nkulunkulu, ngaphambi kwekutsi kubekhona kunye kwako, Bekakhona. Niyabona na?

²⁷⁸ Futsi manje iLogosi leyaphuma kuNkulunkulu, lokwaku—kuyiLogosi, konkhe loku kucala kubumbeka kube simo se—semtimba. Nalesimo lesi semtimba sasibitwa ngekutsi, ekufundziseni kwetifundziswa letinkhulu, yiLogosi, iLogosi leyaphuma kuNkulunkulu. Ngalamany' emagama, li—ligama lelincono layo, lalinguloko lesikubita ngemzimba-zulu. (Umzimba-zulu ngumtimba wemuntfu lokhatimuliwi.) Hhaya

empeleni lonenyama nengati njengoba uyoba njalo esigabeni sawo lesikhatimulisiwe, kodvwa simo semtimba wemuntfu longadli, kanjalo futsi awunatsi, kodvwa ngu—ngumtimba, umtimba losilindzele masinyane nje uma sishiya lona. Manje, ekhatsi lapho, singena kulowomtimba. Futsi ngulolohlobo lwemtimba Nkulunkulu lebekangilo, ngoba Watsi, “Asente umuntfu ngemfanekiso wetfu futsi asifute.”

²⁷⁹ Manje, uma umuntfu sekangena kulowomtimba, bekanekulawula kuto tonkhe tinhlanti, netinyoni, ne-netilwane tasendle. “Futsi-ke kwakungekho muntfu wekulima umhlabatsi,” Genesisi 2. Bese acedzile kwenta silisa nesifazane, kodvwa akukho muntfu wekulima umhlabatsi.

Wase-ke Nkulunkulu wenta umuntfu ngelutfuli lwemhlabatsi. Wamnika sandla lesinjenge—njengeseshimpanzi. Umnika lunyawo lolunjengelwelibhele. Uyamnika, Wamenta, ngemfanekiso. Nalomtimba wasemhlabeni usemfanekisweni wemphilo yesilwane, futsi wentiwe ngeluhlobo lolufanako lwesakhiwo. Umtimba wakho wentiwe nje ngeluhlobo lolufanako lwesakhiwo njengelihhashi, noma injá, nomayini lenjalo. Wentiwe nge-khalsiyamu, i-phothashí, i-phetroliyamu, kukhanya kwemhlabá nelizulu. Nje awu... Yonkhe inyama lenjalo ayisiyo inyama lefanako; yinyama lehlukene, kodvwa yentiwe ngelutfuli lwemhlabatsi lapho ivela khona.

Kodvwa, umehluko emkhatsini wesilwane nemuntfu, Nkulunkulu wafaka umphefumulo kumuntfu, futsi Akawufakanga esilwaneni. Ngoba, umphefumulo lowawukumuntfu ngulowo mzimba-zulu.

O, ngi—ngi, angeke ngifike e...lesifundvo lesi, kodvwa ngifanele ngikutfole loku.

²⁸⁰ Bukani. Anisakhumbuli ngesikhatsi Phetro asejele, neNgelosi yeNkhosi yefika yase ivula iminyango?

²⁸¹ Sasihamba sidzabula esitolo lapho utitsatsela khona enhla lapha, ngalelelinye lilanga, nemnyango wavuleka embikwetfu. Ngatsi, “Niyati, liBhayibheli laba nako loko kucala.” Niyabona na? Manje, kuvuleka, umnyango, ngekwawo kuyatentekela.

²⁸² Futsi ngesikhatsi Phetro aphuma, ahamba ngakulabogadzi laba, bebaphumphutsekile kuye. Wendlula gadzi longekhatsi, gadzi longephandle, wate wayophumela egcekeni, wendlula lubondza, wate wayophumela esitaladini. Futsi akukho namunye lobekati kutsi bekangubani. Futsi akanakanga... Bebacabanga kutsi bekangulomunye gadzi noma lokutsite. Ba... Wavele wendlula nje, nemnyango wativulekela ngekwawo, lapho aphuma, wase uyavaleka ngemuva. Futsi ngesikhatsi aphumela lapho, bekacabanga kutsi bekaneliphupho. Futsi wehlela endlini yaJohn Mark, lapho bebanenkonzo yemkhuleko khona. Futsi bekancconcotsa...[UMnaketfu

Branham unconcotsa etikwepulpiti. Akucoshwanga etheyiphini—Umhl.J...kubasemkhatsini wenu.

²⁸³ O, Uyakhatimula. Uyamangalisa.

Manje, o, bekangakentiwa ngesimo sengelosi; *kodvwa watsatsa...intalo ya-Abrahama*. Nkulunkulu waba *yintalo ya-Abrahama*.

²⁸⁴ Manje, kube besinesikhatsi, kutsi sibuyele emuva bese sikhombisa kutsi Wakwenta kanjani eSivumelwaneni! Ningivile ngishumayela ngako, tikhatsi letinengi, kutsi watitsatsa kanjani letotilwane wase uyatijuba uyatehlukanisa, wase uphonsa lituba lesiganga nelituba lasekhaya ekhatsi. Wase uyabuka ke, futsi wacaphela intfutfu lencane, lokwesabekako lokumnyama, kufa. Lokulandzelako, sithando lesibhunyako, sihogo. Kodvwa, ngaleya kwaloko, kwahamba kuKhanya lokuncane lokumhlophe. Naloko lokumhlophe lokuncane kwahamba emkhatsini welucetu ngalunye Iwalowomhlatjelo lowawujutjiwe, akhombisa loko Lebekatokwenta. Futsi Wenta sifungo, ngesikhatsi Enta loko, futsi Wabbala Sivumelwano, akhombisa Lebekatokwenta.

²⁸⁵ Futsi Yena, Jesu Khristu, ufika emhlabeni; Nkulunkulu, *Emanuweli*, “Nkulunkulu enyameni.” Futsi eKhalvari, Wadzatjulwa ekhatsi. NeMoya waKhe uyabuya ubaseBandleni. Nemtimba waKhe waphakanyiswa wase uhlala esiHlalweni sebukhosи saNkulunkulu.

SiHlalo sebukhosи saNkulunkulu! Loyo LosesiHlalweni sebukhosи nguMehluleli. Siyakwati loko. Yebo-ke, kuphi kweHlulewa na? Babe unikele...Akehluleli muntfu. Kodvwa Babe unikele konkhe kwehlulela eNdvodzaneni. Ngako Unguye. NekuPhila kwaKhe kungumPhristi loMkhulu, ahleti lapho nemtimba waKhe lucobo, njengemhlatjelo, kuncusela kuvuma kwetfu. Ameni. Mnaketfu, loko kufaka intfo letsite kuwe.

²⁸⁶ Caphelani, “Watsatsa iNtalo ya-Abrahama.” Uba nguMuntfu. Nkulunkulu, entiwe inyama emkhatsini wetfu, kutsi asihlenge. Ngalamany’emagama, Nkulunkulu waba sono, kute tsine toni sibe bahlanganyeli Naye. Futsi uma sihlanganyela naYe, sihlanganyela kukwaKhe...Sasibantfu belibanga lesikhatsi, emashumi lasikhombisa. NaNkulunkulu wehla futsi waba ngulomunye wetfu, emashumi lasikhombisa, sikhatsi saKhe labelwe sona, kute sihlanganyeles ekuPhileni kwaKhe lokuPhakadze. Futsi uma sitalwa kabusha, singemadvodzana nemadvodzakati aNkulunkulu, futsi sinekuPhila lokuPhakadze, futsi asiyuze sibhubhe.

O, uMsindzisi lobusisiwe lo—lo—lonje pho! O, ayikho indlela yekukubhala. Ayikho indlela yekukuchaza. Kungale nije kwekuchaza. Akekho longachaza kutsi Kukhulu kangakanani. “UmuKhulu kanganani pho! UmuKhulu kanganani pho!” kunjalo.

Ngako-ke kutotonkhe tintfo kwamfanela kutsi entiwe abe njengebazalwane Bakhe, . . . (Kucabangeni loko.) . . . kute abe ngumphristi lomkhulu lohawukelako nallowetsembekile kukwaNkulunkulu, . . . (Lalelani loku.) . . . kute ente kubuyisana . . . lokusono sebantfu.

Kubuyisana, manje, Nkulunkulu, ati bulungiswa, wadzingeka angabi nabulungiswa, kute eve kutsi kwakuyini kuba soni, kubuyela ekubuyisaneni, ngeku “buyisana,” futsi abenesihawu kubantfu.

²⁸⁷ Lelivesi lelilandzelako, Lilaleleni lapha.

Ngoba kuloko yena lucobo wahlupheka . . .

²⁸⁸ Nkulunkulu bekangeke akhone kuhlupheka eMoyeni. Wadzingeka kutsi abe yinyama, kute eve buhlungu bekugula, kutsi eve kulingwa kwenkhanuko, kutsi eve kulingwa kwekweswela, kutsi eve kulingwa kwekulamba, kutsi eve emandla ekufa. Kute Atetfwese Yena lucobo kutsi eme eBukhoneni bajehova longuMoya lomkhulu, uMoya, hhayi uMunfu; uMoya, kwenta kuncusela kulokuphila. NaJesu wakutsatsa loko, kute asentele kuncusela, ngoba Uyati kutsi kuvakala njani. Uma utfola kugula, Uyati kutsi uva njani. Uma ulingwa, Uyati kutsi uva kanjani.

²⁸⁹ Manje, nike nacaphela uma sivotela mengameli, wonkhe umlimi uyovotela mengameli loke waba ngumlimi, ngoba uyayati incenye lematima yemphilo yemlimi. Niyabona na? Ufuna indvodza letsite lecondzako.

²⁹⁰ Futsi ngaphambi kwekutsi Nkulunkulu ate acondze; Yena angulobo Bungcwele lobukhulu. Bekayoke Acondze kanjani, emvakwekuba Sekalahle umuntfu ngelicala na? NgebuNgewe baKhe, Walahla umuntfu ngelicala. Nendlela kuphela Layoke ati ngayo kutsi ulungisiswa kanjani umuntfu kutsi abe ngumuntfu.

²⁹¹ NaNkulunkulu wasibekela intfombi yase itala umtimba, hhayi ingati yebuJuda, hhayi ingati yewetive, kodvwa iNgati yaKhe luCobo. INgati yanKulunkulu ledaliwe, kungekho nhlobo kulaalana kuwo, wona nhlobo, kungekho sifiso sekulalana. NaleSakhi-Ngati, lesadalwa esibeletfweni salona wesifazane, saletsa iNdvodzana. Futsi yatsi nase Ibhabhatiswe nguJohane umBhabhatisi, Johane watsi, “Ngiyafakaza, ngibona uMoya waNkulunkulu (njengelituba) wehla futsi uhlala etikwaYo.”

²⁹² Akumangalisi Jesu wakwati kutsi ashо, kutsi, “Onkhe emandla eZulwini nasemhlabenи anikelwe esandleni saMi.” Nkulunkulu nemuntfu baba Munye. EmaZulu nemhlaba kwemukelana, futsi BekanguYe longaniketa kubuyisana ngesono setfu. Kungalesosizatfu kutsi, eGameni laKhe, kuphilisa kuyenteka. Uyabati buhlungu bakho.

²⁹³ Nike nilive leli lelincane, liculo lelidzala na?

Jesu uyabati buhlungu lobuvako, Angasindzisa
 futsi Angaphilisa;
 Tsatsa umtfwalo wakho uwuyise eNkhosini
 bese uwushiya lapho.

Kunjalo. Uyati.

Uma umtimba wetfu sewoniwe buhlungu,
 nemphilo yetfu singakwati kuphindze
 siyitfole,
 Khumbulani Nkulunkulu nje eZulwini
 uphendvula umkhuleko;
 Jesu uyabati buhlungu lobuvako, Angasindzisa
 futsi Angaphilisa;
 Tsatsa umtfwalo wakho nje uwuyise eNkhosini
 bese uwushiya lapho.

²⁹⁴ Nguloko kuphela Lakucelako, “Wushiye lapho nje.” Leni na? UngumPhristi wetfu loMkhulu eme lapha, lowatiko kutsi wena uva njani. Futsi Uyati kutsi kubuyiswana kanjani nawe ubuyeles emseni, nekutsi akubuyisele kanjani emphilweni yakho. Wati konkhe ngako; Wahlupheka. Uma ungenandzawo yekucamelisa inhloko yakho; Bekanalokufanako. Uma unekekwekuntjintja kunye kwetimpahla; Bekanalokufanako. Uma kuhlekiswa ngawe, wahlushwa; Bekanalokufanako.

²⁹⁵ Lalelani livesi lekugecina manje. Kulungile.

...unemandla ekusita labo labalingwako.

Noma, ngalamany’emagama, Unemandla ekulondvolota labo, ekusita labo, kwenta labo...kuvelana nabo. Ngoba, Nkulunkulu cobolwaKhe wabangumuntfu, kute akuve.

²⁹⁶ Niyakhumbula, ngalolobunye busuku, asifundzisanga yini ngaloko na? Kutsi Nkulunkulu wakwenta kanjani ku...Kufa kwakuneludvonsi kuko, kwesabisa kuko. “Konkhe kuphila kwabo bebasebugcilini ngalokufa loku.” Wase-ke Jesu uyefika, kute Asuse lolodvonsi ekufeni.

Futsi ngesikhatsi Enyukela entsaben, niyakhumbula kutsi sikufanekise kanjani na? Lawomacashatana labovu ebbantjini laKhe, envakwesikhashana onkhe aba licashata linye lelikhulu, futsi kusaphatela iNgati konkhe kuYe. Wakhe lomncane, umtimba lolubatabata, Akazange asakhona kuchubeka, wase Uyawa. Simoni waseKhurene, indvodza lelikhalatsi, yaMsita kwetfwala siphambano enyukela egumeni.

Futsi ngesikhatsi baMbetsela esiphambanweni, futsi Wamemeta afuna emanti. Noma ngumuphi umuntfu lowophako udzinga emanti.

²⁹⁷ Khumbulani ngesikhatsi ngishumayela ngalolobunye busuku ngekutsi “Indluzele yomela umfudlana wemanti, kanjalo umphefumulo wami ulangatelela Wena, O Nkulunkulu”? Uma

indluzele ilimele futsi iphila, ilahlekelwa yingati, itofanele ifinyelele emantini noma nakungenjalo itokufa.

²⁹⁸ Ngadutjulwa, entasi endle, ngesikhatsi ngineminyaka lelishumi nakune budzala. Futsi ngangilele lapho. Imilente ichunyisiwe kimi, njenge-hambega, ngenza yesibhamu lesifishane i 12-geji. Futsi ngamemeta ngifuna emanti, "O, nginatiseni emanti!" Ngiba ndzimundzimu; tindzebe tami tatindzimundzimu.

²⁹⁹ Bhululu wami wagijimela ngale esitiben'i lesidzala, sasinato tonkhe tinhlobo tabomantjikitane labadzadlana, lichaphoti. Ngangingenandzaba kutsi kwakuyini. Wase uyakukhukhula kugcwele emanti, ngase ngibamba umlomo wami ngiwuvulile, wase ukhamela likepisi lakhe *kanjalo*, emlonyeni wami. Ya, ngangidzingeke ngitfole emanti.

³⁰⁰ Bekopha. Watsi, "NgiNatsiseni emanti." Futsi baMnika iviniga isesipontjini, futsi Wayala, futsi wayencaba. BekaliWundlu laNkulunkulu lelifikalo esikhundleni setfu, kuletsa kubuyisana esidalweni lesingumuntfu. Kwakuyini na? KwakunguNkulunkulu weliZulu.

³⁰¹ Billy Sunday wake washo, kutsi, "Lonkhe lihlashana lalinetiNgelosi tihleti kulo, titsi, 'Ake ukhulule sandla saKho nje bese ukhomba ngemuno waKho, Sitosintjintja tsine lesimo.'"

³⁰² Lesosicuku setinhlanya tenkholo letedzelelako, tabita letinye tifundzisa letinkhulu letifundzisiwe te D.D., iPh.D., tahamba ngakuYe tase titsi, "Manje, uma uyiNdvodzana yaNkulunkulu! Wasindzisa labanye; wena lucobo awukhoni kutisindzisa. Yehla lasiphambanweni, futsi sitokukholwa."

³⁰³ Bebangati kutsi bebaMbabata. BekaNgatisindzisa. Kodvwa kube Watisindzisa Yena, labanye Bekangeke abasindzise. Ngako, Watnikela Yena. Alibusiswe liGama laKhe. Watnikela Yena lucobo, kute ngisindziswe nawe kuze usindziswe. O, lutsandvo lolungacatsaniseki kanje pho!

³⁰⁴ Bekangadzingeki kutsi agule. Lowomtimba loligugu totalwa yintfombi wawungadzingeki kutsi ugule. Kodvwa Wagula, kute Ati kutsi angincusele kanjani uma ngigula.

³⁰⁵ Bekangadzingi kukhandleka, kodvwa Wakhandleka. Ngafundza umlandvo lomncane ngako ngalesinye sikhatsi, angati noma wawuliciniso noma cha. "Ngesikhatsi Sekavuse lowomfana waseNayini lapho, wavuka kulabafile, Wahlala etikwelidvwala futsi abubula aphetfwe yinhloko," ngoba Bekadzingeka etfwale kugula kwefu.

³⁰⁶ Wadzingeka kutsi etfwale sono setfu, futsi Wafela lapho, futsi eKhalvari ngesikhatsi leyonyosi lendzala nekuwa kwake kumbela khona ludvonsi lwako. Nomangubani uyati, uma inyosi imbela ludvonsi lwayo, ibese ayisakhoni kuphindze intinyele. Uma inyosi isuka indiza noma siphi silwanyana

lesintinyelako, uma igcilisa ludvonsi lwayo, idvonsa ludvonsi lwayo ilukhiphe. Isasolo iyinyosi kodvwa ayinalo ludvonsi. Intfo kuphela lengayenta kuhhuma nje nekwenta umsindvo lomnengi.

³⁰⁷ Nguleyontfo kuphela kufa lokungayenta ekholweni, kwenta umsindvo lomnengi. Kodvwa, haleluya, alibusiswe liGama leNkhosi, Walugcilisa lolodvonsi lwekuфа enyameni yaKhe lucobo. Emanuweli wakwenta. Wabuye wavuka futsi, ngelusuku lwesitsatfu, watsintsitsa ludvonsi lwaphuma lapho, futsi unguloNgeke asafa kusihlwa. Futsi uMoya waKhe ukulesakhwi, futsi Utifakazela Yena lucobo aphila emkhatsini wetfu. Lowo nguMesiya wetfu. Lowo nguMsindzisi wetfu lobusisiwe.



EMAHEBHERU, SAHLUKO SESIBILI ³ SSW57-0828
(Hebrews, Chapter Two ³)
TINSHUMAYELO NGENCWADZI YEMAHEBHERU

LoMlayeto ngeMnaketfu William Marrion Branham, kwekucala wetfulwa ngesiNgisi ngaLesitsatfu kusihlwa, ngenyanga yeNgci 28, 1957, eTabernakeli laBranham eJeffersonville, eIndiana, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org